

## 每週經課朗誦經文(巴克禮台語漢字)2014/04/27

### 共同經課 - 1

#### 使徒行傳二章十四 a 節，二十二節～三十二節

14 總是彼得及十一個使徒倚啲，22 「以色列人啊，著聽我的話：拿撒勒人耶穌，上帝曾用伊佇佢中間行各樣的權能、奇事，及神蹟，來對佢證明伊，這就是佢所知的。23 伊照上帝定著的旨意及代先知的已經受解送，佢諸個借不法的人的手，釘十字架害死伊。24 總是上帝解放許個死的苦痛，互伊復活，是伊袂會互死所把縛。25 因為大衛有指伊講：我看主常常佇我的面前；伊惦佇我的正旁，互我免搖動。26 所以，我的心歡喜，我的舌快樂；閣我的肉體也欲惦佇向望中。27 因為你無欲將我的靈魂放下佇陰間，也無欲互你的聖者抵著朽爛。28 你曾用活命的路指示我，欲互我佇你的面前滿心快樂。29 「兄弟啊！先祖大衛的事，我通好膽對佢講：伊已經死，閣埋葬，伊的墓到今仔日猶佇咱中間。30 伊既然是先知，閣知上帝曾及伊咒誓，欲佇伊後裔中設立一人坐伊的座位，31 伊代先看出按呢，就論基督的復活講：伊無放下佇陰間；亦伊的肉體無抵著朽爛。32 此個耶穌，上帝已經互伊復活，阮諸個攏做伊的干證。

### 共同經課 - 2

#### 詩篇十六篇

1 [大衛金的詩] 上帝啊，求你保護我，因為我倚靠你。2 我的靈啊，你曾對耶和華講：你是我的主；你以外我無福氣。3 論到地上聖的百姓，in 是極其好，是我所深深歡喜的。4 用別個神替換耶和華的，in 的憂苦欲愈加添；in 獻奠血的祭我無欲獻；我的嘴唇亦毋提起 in 的名。5 耶和華是我的產業，及我杯中的份額；我所應得的，你給我顧守。6 所量互我的地，是佇真媛的所在；我的產業實在真好。7 我欲謳佬彼個教示我的耶和華；暝時我的心腸亦指點我。8 我常常敬奉耶和華佇我的面前，因為伊佇我的正旁，我就無搖拙。9 因為按呢，我的心歡喜，我的神快樂；我的肉身亦欲安然倚起。10 因為你無將我的靈魂放下佇陰間，亦無互你的聖者抵著朽爛。11 你欲將活命的路指示我。佇你的面前有滿足的歡喜；佇你的正手有永遠的快樂。

### 共同經課 - 3

#### 彼得前書一章三節～九節

3 願咱的主耶穌基督的上帝，也是伊的父得著謳佬！伊照伊的大憐憫，用耶穌基督對死人中復活，曾重再生咱，來得著活的向望，4 也得著續接袂敗壞、袂垃墜、袂衰退的業、為著佢保守佇天裡的。5 佢是對信互上帝的權能保護，到得著拯救、是便便佇末期欲顯明的。6 因為按呢，佢真快樂；雖然現今，若應該著佇百樣的試煉來暫時憂悶，7 互佢的信的經驗，比彼個曾過火鍛煉，也猶原會敗壞的金猶卡寶貝的，佇耶穌基督顯現的時，得著謳佬、榮光、尊貴。8 佢毋曾看見伊，也疼伊；現今無看見，猶久信伊，就對彼個講袂出、滿滿有榮光的歡喜來快樂；9 得著佢信的結局，就是神魂的得救。

### 共同經課 - 4

#### 約翰福音二十章十九節～三十一節

19 彼日(就是七日的頭一日)已經暗，學生因為驚猶太人，就佇in所住的所在關門。耶穌到，倚佇中間，給in講：「願佢平安！」20 已經講此個話，就用手及脅下互in看。學生看見主，就歡喜。21 耶穌閣給in講：「願佢平安！我差佢，親像父有差我。」22 已經講此個話，就對in歎氣，講：「佢受聖神！23 佢赦甚麼人的罪，就赦去，留甚麼人的罪，就留啲。」24 有多馬稱做低土馬的，是十二學生的一個；耶穌到的時，伊無相及佇啲。25 其餘的學生就給伊講：「阮諸個已經看見主啦。」若是多馬給in講：「我若無看見伊手中釘的跡，無用我的指頭仔探伊釘的跡，無用我的手探伊的脅下，我決斷毋信。」26 過八日，伊的學生閣再佇厝內，多馬亦佇啲，門已經關。耶穌到，倚佇中央講：「願佢平安！」27 就給多馬講：「伸你的指頭仔來，看我的手；伸你的手，探我的脅下。莫得做毋信的，著做信的！」28 多馬應講：「我的主啊！我的上帝啊！」29 耶穌給伊講：「你因為看見我才信；許個無看見來信的人，有福氣。」30 耶穌佇學生的面前閣有行多多神蹟，無記佇此本冊的。31 獨獨記諸個互佢信耶穌是基督，是上帝的子，信就佇伊的名得著活。